

■ GLOSSA

Quai è mes medi, quai è mia pratica da medi!

(votaziun da «managed care»)

DA SILVIO CAMENISCH

Quai è mes medi da chasa, quai è mia pratica da medi, qua tschent jau mes pe, hai jau insatge che mudregia. Insatge, insatgi mudregia adina ch'ì sforza mai dad ir tar mes medi da chasa. Qua sun jau da chasa. Do bin i dahai! Artà hai jau mes pes da mes bab, na sai a nagin marschei! Jau hai dus pes, dus pes èn adina dapli che mo in pe. Sun jau signur e patrun da dus pes, poss jau dir dus pes èn mes possess, na sai a nagin marschei, arriv jau era pli da pass lev tar mes medi da chasa, lura vi en l'apoteca.

Quai èn mes pes, quai mes chalzers daspera, di jau a la gidantra da medi. Navair, bels, ed hai jau ditg, artà hai jau els da mes bab. In da mes dus babs potenzials. È in stà a la mamma, cun la mamma ed en la mamma da lavurdis, è in voluntari stà da dumengias e firads cumandads. Grazia ch'ì dat vus. Mes dus pes, da mes char Dieu bab schenghetg, tegna jau aut, signur docter, ves'ins era. Jau nutresch els cun mes agen sang, da dadens anor, e cun bunas cremas per ils pes, qua na spargn jau betg. Metter da la vart per mai, economisar sco stigliats e banchers poss jau insan'autoer.



Quai è mia media d'umens, quai mia medischina viagra placebo, da mia buna media d'umens schenghetg. Jau la prend avant e durant, jau na sai a nagin perquai d'engrà, sun qua mez il retg. Qua regn jau mez, en la Gronda Bretagna regna in'otra a semper. Jau stunsi, defend cun tafradad mia libra paupradad d'eleger mez mes medis per mes mals. Il gist medem fatsch jau cun mes idiom, de miucar Diu schenghetg, qua sun jau sin sontga missiun, jau retschaiv lura, cur ch'igl è l'ura, la medaglia bene merenti.

Po il nov cuss. naz. da la Cadi (dal term «Casa Dei») elegi onurificamain dals noss, sa stgaurar tant sco ch'el vul per in sistem da «managed care», na vegn jau tuttina betg chaud. L'emprim onn sco principiant e debutant cuschess jau murtgeu e

tadlass. Jau tadlass sco il pitschen Jesus entamez ils docturs, e tschiffass tut en mes tscharvè. L'emprim onn sco nobody betg baterlar, mo tadlar, è adina stada lescha nuncscritta, enfin quella giada. Ils docturs èn era docters spiertals, in-saco. Hai jau tschernì mez, libramain, n'hai jau betg laschè sfurzar si d'in sistem da rait uschia.

Jau vi esser e restar (pesch)pazient suveran, jau ma na lasch betg pigliar da raits uschia. Uschia betg. I dat adina pestgadors che bittan ora raits betg per pigliar peschs, carstgauns! Mia o libra libra libertad d'eleger mez mia rait da medis e schon era medias per mes divers mals, vi jau defender cun tafradad sco poppa da mes egl! Sun jau stà vidlonder ina giada (en las anzas u vid il crutsch) sun jau surprecaut. Jau na fid a nagin vairamain, gnanc sch'el fiss in dals noss. Jau m'emposs betg ch'jau sun chaugross uschia.

Quai è mia chasa da tgrira, quai mia chombra da mort. Jau di in Na decidì ad in chasti da premias, immer noch Nein zur Prämienstrafe und teuren Knebelverträgen, Herr Nationalrat. Nus na martgadain betg vinavant. Gai. Ruassaivel vi durmir, e libers vi murir!